



Alti Mägd-Glique

Schnitzelbank 1922

4-stimmig.

Melodie: Der Winter isch vorgange.

1.

Mir wänn Euch hite singe
E flotte Schnitzelbank,
Und mängs no fire bringe
Ganz unscheniert und frank.
Vom „Laur“ wänn mir nyt wisse,
Denn do got allerlei,
Der Bund sogar wird b'schisse,
S'isch Burefängerei.

2.

An jeder Grossrotssitzig
Isch zinfelige Märt und Krach,
Der Wiely wird au hitzig,
Schlot im Hugi eins uff's Dach.
Dä Dickkopf g'hert dert use
Do lehn mir nit dervo,
Stirbt dä, so muesch mit Gruse
Sy Schnure z'tot no schlo.

3.

E Typmamsell, e netti
Us unserem Bundeshus,
Bruucht nächstens schints e Getti,
Das isch kei schlechte Schmus.
No nie isch in 9 Monet
E Werk, nai donnerschiess,
Ganz gege d'Bärner Gwohnet
Entstande mit Händ und Füess!

4.

D'Kontrolle isch schint's lusig
Bim Baudepartement,
Sunscht kennte nit fufzigtusig
Verswinde, Sapperment!
Jetz bruncht me nimme z'stutze
Ans Santihanstor me dank:
Drei Syte si verputze
Fir die vierti hets nimme glängt.

5.

An der Gastwirtschafts-Usstellig
Het au nit alles klappt,
Der Losverkauf isch g'fellig,
Doch d'Gwinn hänn d'Beizer g'schnappt
Und's bescht am Offizielle
Trotz ihrem G'schiss und G'schär:
S'hed kain uff Basel welle
Im Bundesrot si Stuehl blibt iäär.

6.

Me ka's fascht nit begriffe,
Und s'isch au schwär z'verstoh,
Dass Häre, Lai und Gryffe
Uff Staufe kenne go
Het's drunter ächt no Gäli?
Oder hänn si sich verirrt?
E Schand, dass s'Brennermähli
Zum Valutafrässe wird.

7.

S'isch wirklich doch zuem Schiesse
Was Theater inszeniert,
Fir's Publikum rächt z'gniessie
Wärde Strosseball uff g'fiert,
Au Vorträg uff de Wäge
E Fnessballmatsch derzue
Im Landhof sin si g'läge,
E paar Kameeler luege zu.

8.

Zwei Dame hänn verlore
E zimlig Werte Pris,
Si haue sich an d'Ohre,
Dä Vorfall isch ganz mis,
D'Frau Miggi isch ganz g'schlage,
D'Frau Viecher kunnt in d'Wuet,
Mir kenne Euch nur sage
Där wär e Heuwogschangi z'guet!